



Broj predmeta: 13-000648/21
Broj akta: 01.1-1413EK-0027/21
Datum, 8.7.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 - prečišćeni tekst, 49/18, 08/19, 10/19 i 32/19), u skladu sa članom 25. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-000648/21 od 23.06.2021. godine, kao i Mišljenja Pravobranilaštva Brčko distrikta BiH broj: M-725/21 od 05.07.2021.godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJIH PONUĐAČA

Član 1.

U provedenom otvorenom postupku za nabavku računara i računarske opreme za potrebe Odjeljenja za stručne i administrativne poslove Vlade Brčko distrikta BiH – 5 lotova, izabrani su najpovoljniji ponuđači kojima se dodjeljuje ugovor.

Naziv najpovoljnijeg ponuđača za lotove 1, 4 i 5 je: „NETWORK I“ d.o.o. Bijeljina.

Lot 1 – Nabavka računara i računarske opreme za potrebe Pododjeljenja za podršku MZ, NVO i UG

Vrijednost ugovora sa uračunatim PDV-om iznosi **10.764,00 KM.**

Lot 4 - Nabavka računara i računarske opreme za potrebe Pododjeljenja za ljudske resurse

Vrijednost ugovora sa uračunatim PDV-om iznosi **12.612,60 KM.**

Lot 5- Nabavka računara i računarske opreme za potrebe Pododjeljenja za javne nabavke

Vrijednost ugovora sa uračunatim PDV-om iznosi **6.427,98 KM.**

Naziv najpovoljnijeg ponuđača za lot 2 je: „LANACO“ d.o.o. Banja Luka.

Lot 2 – Nabavka računarske opreme za potrebe Pododjeljenja za informatiku

Vrijednost ugovora sa uračunatim PDV-om iznosi **45.981,00 KM.**

Naziv najpovoljnijeg ponuđača za lot 3 je: „SK-GROUP“ d.o.o. Brčko.

Lot 3 – Nabavka računara za potrebe Pododjeljenja za informatiku

Vrijednost ugovora sa uračunatim PDV-om iznosi **3.322,80 KM.**

Obrazloženje

Komisija za nabavke je utvrdila da je do momenta koji je bio određen za krajnji rok za dostavu ponuda dostavljeno šest ponuda, sljedećih ponuđača: „Inter com“ d.o.o. Zenica, „Lanaco“ d.o.o. Banja Luka, „Network I“ d.o.o. Bijeljina, „Copitrade“ d.o.o. Bijeljina, „SK-Group“ d.o.o. Brčko i „Intec“ d.o.o. Brčko. Sastavni dio odluke čini zapisnik sa otvaranja ponuda. Komisija je razmotrila ponude sa aspekta načina pripreme, dostave, oblika i sadržaja ponuda te je ustanovila da su sve ponude

dostavljene u skladu sa zahtjevima iz tenderske dokumentacije (sa navedenog aspekta) osim ponude ponuđača „Intec“ d.o.o. Brčko za lotove 1,4 i 5 koji je dostavio ponudu na starim specifikacijama. S obzirom na to da je u obavještenju svim ponuđačima bilo jasno navedeno da su svi ponuđači obavezni dostaviti na novim (izmijenjenim) tehničkim specifikacijama, ponuda navedenog ponuđača za lotove 1,4 i 5 je ocijenjena neprihvatljivom. Dalje su stručni članovi komisije izvršili analizu dostavljenih ponuda i ponuđene robe u skladu sa zahtjevima iz tehničkih specifikacija. Ponuda firme „SK-GROUP“ d.o.o. Brčko za lot 1, 4 i 5 ne zadovoljava tehničke zahtjeve postavljene u tenderu u dijelu gdje je u stavci 1 ponuđen uređaj proizvođača „HP“, a u stavci 2 ponuđen uređaj proizvođača „Dell“. Nedostatak se ogleda u tome što je tenderskom dokumentacijom traženo da stavke 1 i 2 moraju biti od istog proizvođača. Ponuda firme „INTER-COM“ d.o.o. Zenica za lot 1 i 4 u stavci 2 ne zadovoljava tehničke zahtjeve postavljene u tenderu u dijelu gdje je ponuđen uređaj „DELL e22220h-56“. Nedostatak se ogleda u tome što ponuđeni uređaj sadrži tip panela "TN", a tenderskom dokumentacijom je tražen tip panela "IPS". Ponuda firme „INTER-COM“ d.o.o. Zenica za lot 4 u stavci 3 ne zadovoljava tehničke zahtjeve postavljene u tenderu u dijelu gdje je ponuđen računar sa procesorom „i5-10500“. Nedostatak se ogleda u tome što ponuđeni procesor sadrži 6 jezgara, a tenderskom dokumentacijom je tražen procesor sa 8 jezgara. Ponuda firme „INTER-COM“ d.o.o. Zenica za lot 4 u stavci 4 ne zadovoljava tehničke zahtjeve postavljene u tenderu u dijelu gdje je ponuđen uređaj „HP 24 V24 FHD“. Nedostatak se ogleda u tome što ponuđeni uređaj sadrži tip panela "TN", a tenderskom dokumentacijom je tražen tip panela "IPS". Ponuda firme „INTEC“ d.o.o. Brčko za lot 1, 4 i 5 je dostavljena na starim specifikacijama, čime ne zadovoljava zahtjeve postavljene u tenderskoj dokumentaciji. Sve dostavljene ponude za lot 2 i 3 zadovoljavaju tehničke zahtjeve postavljene na tenderu. Komisija je prilikom analize ponuda primijetila da su pojedini ponuđači vršili korekcije – ispravke u svojim ponudama te da navedene korekcije nisu urađene u potpunosti skladu sa zahtjevima iz tenderske dokumentacije, odnosno da ispravljani podaci moraju biti vidljivi, potvrđeni potpisom ponuđača i sa datumom izvršenja ispravke (ispravljani tekst nije prekriven nego je zamrljan korektorom, nema datuma ispravke i sl.). Međutim, i pored navedene činjenice komisija smatra da se radi o manjim propustima koji bitno ne utiču na konkurenciju te se iz navedenog razloga i navedene ispravke mogu uzeti kao prihvatljive. Sve ponude su bile računski ispravne osim ponude ponuđača „Copitrade“ d.o.o. Bijeljina za lot 4. Komisija je ustanovila da tačan iznos ponude navedenog ponuđača za lot 4 iznosi 12.114,00 KM. Obzirom na navedenu grešku od ponuđača „Copitrade“ d.o.o. Bijeljina je tražena saglasnost za ispravku, što je isti i dostavio. Ni na jednu od ponuda se ne primjenjuje preferencijalni faktor. U daljem toku postupka Komisija je razmotrila mogućnost postojanja elemenata neprirodno niske cijene na svim lotovima i utvrdila da ne postoje elementi koji ukazuju na postojanje neprirodno niske cijene. Nakon što je Komisija utvrdila kvalifikovanost ponuđača, sa ponudama koje su prihvatljive, potpune i računski ispravne, u skladu sa odredbama tenderske dokumentacije izvršena je e-aukcija, osim za lot 2 za koji ista nije zakazivana jer je dostavljena samo jedna ponuda. Na osnovu svega navedenog, kao i činjenice da su najpovoljnije ponude za sve lotove u okviru procijenjene vrijednosti nabavke, Komisija za nabavke je dala preporuku o izboru najpovoljnijih ponuđača u skladu sa kriterijumom najniže cijene.

Član 2.

Postupak je proveden na osnovu Posebne odluke o pokretanju postupka javne nabavke broj: 13-000648/21 od 11.03.2021. godine, Obavještenja o nabavci broj: 1157-1-1-139-3-197/21 objavljenim na portalu javnih nabavki dana 25.03.2021.godine, Ispravke obavještenja o nabavci broj 1157-1-1-139-8-220/21 objavljenim na portalu javnih nabavki dana 13.04.2021.godine, Tenderske dokumentacije i ponude najpovoljnijih ponuđača.

Član 3.

Finansiranje postupka javne nabavke će se vršiti na sljedeći način, za:

Lot 1 – sa organizacionog koda 15010001 – Pododjeljenja za pordšku MZ, NVO i UG
Kapitalni budžet za 2019. i 2020. godinu, ekonomskog koda 821300 – Nabavka opreme i redovan budžet za 2021. godinu, ekonomski kod 613400 – Nabavka materijala i sitnog inventara;

Lot 2 – sa organizacionog koda 15020001 – Podojeljenja za informatiku
Kapitalni budžet za 2019. godinu, ekonomski kod 821300 – Nabavka opreme.

Lot 3 - sa organizacionog koda 15020001 – Podojeljenja za informatiku
Kapitalni budžet za 2019. godinu, ekonomski kod 821300 – Nabavka opreme.

Lot 4 - sa organizacionog koda 15030001 – Pododjeljenja za ljudske resurse
Kapitalni budžet za 2019. i 2020. godinu, ekonomski kod 821300 – Nabavka opreme

Lot 5 - sa organizacionog koda 15040001 – Pododjeljenja za javne nabavke
Kapitalni budžet za 2019. i 2020. godinu, ekonomski kod 821300 – Nabavka opreme.

Član 4.

Ova odluka stupa na snagu danom donošenja.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Ponuđačima,
3. Odjeljenju za stručne i administrativne poslove,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

